

## SEDMIČNI PREGLED AKTIVNOSTI SUDA BIH

Odjel I, II i III  
(1.6. – 5.6.2026.)

- Sud Bosne i Hercegovine 26.5.2026. je odlučujući o prijedlogu Tužilaštva u predmetu **Milan Kukrika (S1 3 K 054144 26 Kpp 5)** donio rješenje kojim je djelimično prihvaćen prijedlog Tužilaštva i osumnjičenom **Milanu Kukriku određen pritvor**. Pritvor po ovom rješenju može trajati najduže **mjesec dana**, računajući od dana lišenja slobode, odnosno do **24.6.2025. godine**, ili do nove odluke Suda, a sve zbog postojanja posebnog pritvorskog razloga propisanog članom 132. stav 1. tačka b) ZKPBiH.

Istovremeno, odbija se, kao neosnovan, prijedlog Tužilaštva za određivanje mjere pritvora osumnjičenom iz posebnog pritvorskog razloga propisanog članom 132. stav 1. tačka c) ZKPBiH.

Osumnjičeni se tereti da je počinio krivično djelo neovlašteni promet oružjem i vojnom opremom, te proizvodima dvojne upotrebe iz člana 193. stav 1. KZBiH i krivično djelo nedozvoljena proizvodnja i promet oružja ili eksplozivnih materija iz člana 361. stav 1. KZRS, sve u vezi sa članom 53. KZBiH.

- Sud je 28.5.2026., u predmetu **Dragan Vasić i dr. (S1 2 K 054842 26 Krn)**, donio rješenje kojim je prihvaćen prijedlog Tužilaštva i osumnjičenim **Draganu Vasiću i Kostadinu Simiću određen pritvor** koji po ovom rješenju može trajati **najduže mjesec dana**, računajući od dana lišenja slobode, odnosno do **26.6.2026. godine**, ili do nove odluke Suda, a sve zbog postojanja posebnih pritvorskih razloga propisanih članom 132. stav 1. tačke a) i b) ZKPBiH u odnosu na **Dragana Vasića**, a u odnosu na osumnjičenog **Kostadina Simića** iz posebnog pritvorskih razloga propisanog članom 132. stav 1. tačka b) ZKPBiH.

Osumnjičeni se terete da su počinili krivično djelo organizirani kriminal iz člana 250. stav (2) Krivičnog zakona Bosne i Hercegovine, u vezi s krivičnim djelom neovlašteni promet opojnim drogama iz člana 195. stav (1) KZBiH.

- Sud je 28.5.2026. potvrdio optužnicu u predmetu **Abbaszade Khayal (S1 3 K 054259 26 Kps)** koja optuženog **Abbaszada Khayala** tereti da je radnjama opisanim u istoj počinio krivično djelo krijumčarenje ljudi iz člana 189. stav 1. KZBiH u vezi sa članom 26. i 29. istog Zakona.

Optuženi se tereti da je 11.3.2026., oko 9:30 sati, na području mjesta Jabuka, općina Grude, s ciljem stjecanja protupravne imovinske koristi, s njemu poznatom osobom dogovorio i na području Sarajeva preuzeo i prihvatio tri državljanina Turske u namjeri da ih doveze do pogodnog mjesta u blizini granice Bosne i Hercegovine i Republike Hrvatske, na koji način bi im omogućio nezakonit prelazak državne granice.

- Sud je 29.5.2026., u predmetu **Yurekli Hadi (S1 3 K 054867 26 Eks)**, u postupku izručenja potraživanog **Yureklija Hadija**, po međunarodnoj crvenoj potjernici NCB Interpola Wiesbaden, SR Njemačka, odnosno NCB Interpola Sarajevo, raspisanoj u cilju vođenja krivičnog postupka pred nadležnim pravosudnim organom SR Njemačke, odlučujući o zahtjevu za privremeno lišenje slobode potraživanog, a nakon održanog ročišta, donio rješenje kojim je potraživanom određen **ekstradicioni pritvor** koji po ovom rješenju može trajati najduže **šest (6) mjeseci** od dana lišenja slobode potraživanog, odnosno do **28.11.2026. godine**, tj. do izvršenja odluke o izručenju ili do nove odluke Suda.

#### PONEDJELJAK, 1. juna 2026. godine

- Sud je 1.6.2026., u predmetu **Murat Teker (S1 3 K 054879 26 Eks)**, u postupku izručenja potraživanog **Murata Tekera** po međunarodnoj potjernici NCB Interpola Varšava, Republika Poljska, odnosno potjernici Interpola NCB Sarajevo, odlučujući o zahtjevu za pritvaranje potraživanog sadržanom u međunarodnoj potjernici, a nakon održanog ročišta donio rješenje kojim je potraživanom određen **privremeni pritvor** koji po ovom rješenju može trajati najduže **18 (osamnaest) dana** od dana lišenja slobode, odnosno od do **17.6.2026. godine** ili do nove odluke Suda.
- Sud je 1.6.2026., u predmetu **Boban Akievski (S1 3 K 054749 26 Eks 3)** u postupku izručenja potraživanog **Bobana Akievskog**, po međunarodnoj potjernici NCB Interpola Beč, Republika Austrija, odnosno potjernici Interpola NCB Sarajevo, raspisanoj u cilju vođenja krivičnog postupka pred nadležnim pravosudnim organom R. Austrije, odlučujući po službenoj dužnosti o daljem trajanju mjere privremenog pritvora, a nakon održanog ročišta donio rješenje kojim se **ukida privremeni pritvor**, određen ranijim rješenjem ovog Suda.
- Sud je 1.6.2026. potvrdio optužnicu u predmetu **Gjon Dekaja (S1 3 K 054684 26 Kps)** koja optuženog **Gjona Dekaja** tereti da je, radnjama opisanim u optužnici, počinio krivično djelo krijumčarenje ljudi iz člana 189. stav 4. u vezi sa stavom 1. istog člana KZBiH, a sve u vezi s članom 26. KZBiH.

Optuženi se tereti da je 4.5.2026. godine, u namjeri stjecanja protupravne imovinske koristi, na mjestu koje nije predviđeno za zakonit prelazak državne granice, pokušao prevesti dvanaest osoba stranih državljana, među kojima su se

nalazila i maloljetne osobe, koje nisu ispunjavale uvjete za zakonit prelazak državne granice sa teritorije BiH na teritorij Republike Hrvatske.

PREDMET	ROČIŠTE
<b>Odjel II</b> <b>Zoran Kalinić i dr.</b> <b>S1 2 K 048514 24 K</b>	Saslušanje dva svjedoka po prijedlogu Tužilaštva
<b>Odjel II</b> <b>Ognjen Orašanić</b> <b>S1 2 K 053764 26 K</b>	Saslušanje četiri svjedoka po prijedlogu Tužilaštva
<b>Odjel III</b> <b>Murat Teker</b> <b>S1 3 K 054879 26 Eks</b>	Ekstradicioni postupak

#### UTORAK, 2. juna 2026. godine

- Sud je 2.6.2026., u predmetu **Anas Hamadi (S1 3 K 054764 26 Eks 2)** u postupku izručenja potraživanog **Anasa Hamadija**, po međunarodnoj potjernici NCB Interpola Wiesbaden, odnosno potjernici NCB Interpola Sarajevo, odlučujući o daljem trajanju privremenog pritvora potraživanom, a nakon održanog ročišta donio rješenje kojim se potraživanom **produžava pritvor** tako da isti po ovom rješenju može trajati do dostavljanja molbe za izručenje i ekstradicione dokumentacije države moliteljice ili do nove odluke Suda, a najduže **40 (četrdeset) dana**, računajući od dana lišenja slobode, odnosno do **24.6.2026. godine**.
- Na ročištu za izjašnjenje o krivnji održanom 2.6.2026. u predmetu **Đenan Mamela i dr. (S1 2 K 050997 26 Ko)** optuženi **Đenan Mamela, Berina Muratović, Emina Begović, Ajdin Tabaković, Nihad Dedić i Rešad Kovač** izjasnili su se da **nisu krivi** za krivično djelo za koja se terete optužnicom Tužilaštva BiH – organiziranje grupe ili udruženja za izvršenje krivičnog djela krijumčarenje migranta iz člana 189.a stav 3. u vezi sa stavom 2. KZBiH, a sve u vezi s krivičnim djelom krijumčarenje ljudi iz člana 189. stav 1. KZBiH; krivično djelo nedozvoljeno držanje oružja i eksplozivnih materija iz člana 371. stav 1. KZFBiH, te krivično djelo posjedovanje i omogućavanje uživanja opojnih droga iz člana 239. stav 3. KZFBiH.
- Odlučujući o prijedlogu Tužilaštva, Sud je 2.6.2026., u predmetu **Aslan Bairamov (S1 3 K 054696 26 Kv 2)** donio rješenje kojim je usvojen prijedlog Tužilaštva i osumnjičenom **Aslanu Bairamovu produžen pritvor** koji po ovom rješenju može trajati najduže **dva (2) mjeseca**, odnosno do **2.8.2026. godine** ili do nove odluke Suda Bosne i Hercegovine, a sve iz razloga propisanih članom 132. stav 1. tačka a) ZKPBiH.

Osumnjičeni se tereti da je počinio krivično djelo krijumčarenje ljudi iz člana 189. stav 1. KZBiH, a u vezi sa članom 26. istog Zakona.

PREDMET	ROČIŠTE
Odjel II Bojan Cvijetić i dr. S1 2 K 046336 23 K	Saslušanje vještaka po prijedlogu odbrana
Odjel II Đenan Mamela i dr. S1 2 K 050997 26 Ko	Ročište za izjašnjenje o krivnji
Odjel III Saša Šebek S1 3 K 046495 26 K	Saslušanje dva svjedoka po prijedlogu Tužilaštva
Odjel III Haris Hasić S1 3 K 054322 26 K	Početak glavnog pretresa
Odjel III Aslan Bairamov S1 3 K 054696 26 Kpp	Ročište za produženje mjere pritvora po prijedlogu Tužilaštva
Odjel III Biljana Knežević S1 3 K 048740 25 K	Objava presude

#### SRIJEDA, 3. juna 2026. Godine

- Sud je 2.6.2026. u predmetu **Bajro Murtić (S1 3 K 051236 26 K)**, izrekao presudu kojom je optuženi **Bajro Murtić oglašen krivim** zbog počinjenja krivičnog djela krivotvorenje novca iz člana 204. stav 4. KZBiH, **pa mu je Sud** izrekao uvjetnu osudu kojom se optuženom **utvrđuje kazna zatvora u trajanju od tri (3) mjeseca** i istovremeno određuje da se ova kazna neće izvršiti, ako optuženi **u roku od jedne (1) godine** od dana pravomoćnosti presude ne počini novo krivično djelo.

Na osnovu odredbe člana 205. stav 5. KZBiH, u vezi sa članom 74. istog Zakona od optuženog trajno je oduzeta jedna krivotvorena novčanica u apoenu od 500,00 EUR.

PREDMET	ROČIŠTE
<b>Odjel II</b> <b>Jerko Vican i dr.</b> <b>S1 2 K 053324 25 K</b>	Nastavak saslušanja vještaka po prijedlogu Tužilaštva
<b>Odjel III</b> <b>Gjon Dekaj</b> <b>S1 3 K 054684 26 Kpp</b>	Ročište za produženje mjere pritvora po prijedlogu Tužilaštva
<b>Odjel III</b> <b>Khayal Abbaszade</b> <b>S1 3 K 054259 26 Kpp</b>	Ročište za produženje mjere pritvora po prijedlogu Tužilaštva
<b>Odjel III</b> <b>Bajro Murtić</b> <b>S1 3 K 051236 26 K</b>	Objava presude

#### ČETVRTAK, 4. juna 2026. godine

- Na ročištu za izjašnjenje o krivnji održanom 4.6.2026. u predmetu **Darko Mišić (S1 2 K 049988 24 Ko)** optuženi **Darko Mišić** se izjasnio da **nije kriv** za krivično djelo za koja se terete optužnicom Tužilaštva BiH – organiziranje grupe ili udruženja za izvršenje krivičnog djela krijumčarenja migranata iz člana 189.a stav 2. KZBiH, te krivično djelo krijumčarenje ljudi iz člana 189. stav 2. KZBiH, u vezi sa članom 26. istog Zakona.
- Sud je 4.6.2026. u predmetu **Sadija Hajdarević i dr. (S1 2 K 054825 26 K)**, nakon održanog ročišta za razmatranje sporazuma o priznanju krivice i pretresa za izricanje krivičnihopravnih sankcija, donio i javno objavio presudu kojom su optuženi **Sadija Hajdarević, Benjamin Džebić i Emir Gačanin oglašeni krivim** što su radnjama opisanim u izreci presude počinili krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. KZBiH, a optuženi Emir Gačanin i krivično djelo nezakonita trgovina zlatnim novcem i zlatom iz člana 266. stav 1. KZBiH.

Sud je optuženima izrekao kazne kako slijedi:

- optuženoj **Sadiji Hajdarević** – **uvjetnu osudu**, kojom se utvrđuje kazna zatvora u trajanju od **osam (8) mjeseci** i istovremeno određuje da se utvrđena kazna neće izvršiti ako optužena u roku od **dvije (2) godine** od dana pravomoćnosti ove presude ne počinii novo krivično djelo. Kao sporednu, Sud je optuženoj izrekao novčanu kaznu u iznosu od **1.500,00 KM**;
- optuženom **Benjaminu Džebiću** – **kaznu zatvora** u trajanju od **pet (5) mjeseci**, a kao sporednu, novčanu kaznu u iznosu od **4.000,00 KM**;

- optuženom **Emiru Gačaninu** – **kaznu zatvora** u trajanju od **tri (3) mjeseca**, a kao sporednu, novčanu kaznu u iznosu od **2.000,00 KM**.

Na osnovu člana 110. i 111. KZBiH, od optuženog **Benjamina Džebića** se oduzima imovinska korist pribavljena izvršenjem krivičnog djela u iznosu od **45.520,00 KM**.

Optuženi su oglašeni krivim što su, u periodu od aprila 2018. godine pa do 6. marta 2019. godine, Ć.P. u namjeri pribavljanja protupravne imovinske koristi i nezakonite zarade, svjesno i sa htijenjem organizirao grupu ljudi za organizirano krijumčarenje, rasturanje i prodaju neocarinjene robe iz Republike Turske u BiH, a čiji članovi su svjesno i voljno postali, između ostalih, **Sadija Hajdarević**, **Benjamin Džebić**, zaposlen u Zlatarskoj radnji „Ključić“ u Gračanici, **Emir Gačanin** namještenik u Policijskoj upravi Konjic i druge njima poznate osobe. Dalje se navodi da je navedena grupa organizirana na području BiH s ciljem nezakonitog prenošenja, odnosno krijumčarenje robe od plemenitih metala i rasturanje iste, nakon što su organizator i drugi članovi grupe po prethodnom planu i dogovoru izvršili preuzimanje i nezakonito prebacivanje neocarinjene robe preko državne granice u BiH, optuženi, svjesni da se radi o krijumčarenoj robi i svjesni da djeluju u sklopu grupe ljudi osnovane s ciljem vršenja krivičnog djela, u namjeri stjecanja protupravne imovinske koristi, istu stavljali u dalji promet i rasturali, odnosno nudili na prodaju krajnjim kupcima na području cijele Bosne i Hercegovine.

- Sud je 4.6.2026., u predmetu **Marko Savičić i dr. (S1 3 K 048705 26 Kps)** nakon održanog ročišta za razmatranje sporazuma o priznanju krivnje i pretresa za izricanje krivičnopravnih sankcije donio i javno objavio presudu kojom su optuženi **Marko Savičić i Gojko Cvjetinović oglašeni krivim** što su radnjama opisanim u izreci presude počinili krivično djelo krijumčarenje ljudi iz člana 189. stav 2. i 4. KZBiH, sve u vezi s članovima 26. i 29. KZBiH, pa im je Sud izrekao kazne zatvora u trajanju od po **1 (jedne) godine**.

Na osnovu člana 56. KZBiH optuženim Marku Savičiću i Gojku Cvjetinoviću se u izrečenu kaznu zatvora ima uračunati vrijeme lišenja slobode počev od 28. 7. do 29.7.2024. godine.

Na osnovu člana 74. KZBiH, u vezi sa članom 189. stav 6. KZBiH, od optuženih se oduzimaju sredstva izvršenja počinjenog krivičnog djela.

PREDMET	ROČIŠTE
<p style="text-align: center;"><b>Odjel II</b> <b>Darko Mišić</b> <b>S1 2 K 049988 24 Ko</b></p>	<p style="text-align: center;">Ročište za izjašnjenje o krivnji</p>

<b>Odjel II</b> <b>Ibrahim Nuray i dr.</b> <b>S1 2 K 054825 26 K</b>	Razmatranje sporazuma o priznanju krivnje
<b>Odjel II</b> <b>Eldin Kurević i dr.</b> <b>S1 2 K 054353 26 K</b>	Razmatranje sporazuma o priznanju krivnje
<b>Odjel II</b> <b>Zejid Šabić i dr.</b> <b>S1 2 K 050374 25 K</b>	Saslušanje četiri svjedoka po prijedlogu Tužilaštva i čitanje iskaza svjedoka
<b>Odjel II</b> <b>Bojan Stašević</b> <b>S1 2 K 047629 25 K</b>	Iznošenje završnih riječi Tužilaštva
<b>Odjel II</b> <b>Sandro Đedović i dr.</b> <b>S1 2 K 031329 18 Krn</b>	Ročište za produženje mjere pritvora po prijedlogu Tužilaštva
<b>Odjel II</b> <b>Sadija Hajdarević i dr.</b> <b>S1 2 K 054825 26 K</b>	Objava presude
<b>Odjel II</b> <b>Eldin Kurević i dr.</b> <b>S1 2 K 054353 26 K</b>	Objava presude
<b>Odjel III</b> <b>Marko Savičić i dr.</b> <b>S1 3 K 048705 26 Kps</b>	Ročište za razmatranje sporazuma o priznanju krivnje

**PETAK, 5. juna 2026. godine**

<b>PREDMET</b>	<b>ROČIŠTE</b>
<b>Odjel II</b> <b>Jelena Majstorović i dr.</b> <b>S1 2 K 051291 25 K</b>	Saslušanje dva svjedoka po prijedlogu Tužilaštva

## NAJAVE ZA NAREDNU SEMICU:

Za ponedjeljak, 8.6.2026. godine:

- **Milodrag Glušac i dr. (S1 1 K 024175 17 Kri)** – Objava presude zakazana u 11:00 sati, sudnica 4;

Za srijedu, 10.6.2026. godine:

- **Aleksandar Komnenić i dr. (S1 2 K 053800 26 K)** – Početak glavnog pretresa zakazan u 11:00 sati, sudnica 5.

## STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	0	0
Organizirani kriminal	3	8
Opći kriminal	0	0

Broj održanih ročišta u sudnicama 3-9	25
Broj zahtjeva za izdavanje AV materijala (Odjeljenje za informiranje javnosti)	4

**Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: [pios@sudbih.gov.ba](mailto:pios@sudbih.gov.ba)**